



UNIVERSITÄTS-  
BIBLIOTHEK  
PADERBORN

## **Variorum In Europa Itinerum Deliciæ**

**Chyträus, Nathan**

**[Herborn], 1599**

**VD16 C 2803**

Vicetina. In Vicetiam Ju. Cæs. Scaliger.

---

[urn:nbn:de:hbz:466:1-70708](https://nbn-resolving.org/urn:nbn:de:hbz:466:1-70708)

## ALIBI.

*Corporis ut maculas, animi sic ablue sordes,  
Munditia hæc adsit; tum bene lotus eris.*

## ALIBI.

*Ne quid nimis, videto. ubiq; medium servato,  
Quod excellat intus est quarendum.  
Mane quid factururus: sero quid feceris.*



## VICETINA.

IN VICETIAM JUL. CÆS.  
SCALIGER.

**B**acche pater, Ceres alma, bona bona numina pacis:  
Qua patulos agros, qui juga curva tenes:  
Quid rerum, quid amicitia cum Marte cruento  
Vobiscum? vestrum ut vexet utrunq; furor?  
Pulchra racemiferos domitat Vicetia colles:  
Lataq; spicilegi jugera findit agri.  
Cadis amor, cadis germana insana cupido:  
Nec patrius nato est tutus ab hoste cruor.  
Nusquam iter est. vastata jacent latrone protervo  
Ruscula: corruerunt ignibus hausta suis.  
Parce (nefas) scelerare manus, gens debita cælo,  
Imbueq; ignoto pectora digna Deo.  
Divina facies: regio caelestis: at hujus  
In cæli medio tartara dira vigent.

INSCRIPTIONES  
VICETINÆ.

IN SUMMO TEMPLO.

*Semper in adversis tibi sit Patientia Christus,  
Cujus ab exemplo regula, Discere pati.*

Ecco

*Ecce Deus cali cunctorum conditor, ultro  
 Probrat ulit, colaphos, sputa, flagella, crucem.  
 Tu quoq; quidquid erit, patiens sufferre memento;  
 Pro Christo patiens deniq; victor eris.  
 Ne dubites: spera hunc, quem tu prostratus adoras,  
 In latum tenebras vertere posse diem.*

## IBIDEM.

Hieronymo Soledo Episcopo Vasionensi, Clementis VII. Pont. Max. domus magistro in Hispaniam legato, ab eoad Car. v. Imp. misso: rebus supra omnium spem eius prudentiâ celeriter & ex voto confectis; affinitate etiam inter illos conjuncta: Cæsare in Italiam adducto: cum Venetis cæterisq; Italiæ Principibus fœdere inito: Duce Insubrum Cæs. conciliato: in Belgis etiam apud eundem legatione functo: Romæ in majori de se expectatione sublato: Jo. Petrus fratri opt. atq; innocentiss. P. Vix. ann. 52. d. 2. ☉. Non. Jan. 1533.

## AD LAURENTII.

Ferreti Brexani, & suorum.

*Hic situs ex clara Ferretus origine vates:  
 Scaligeros decuit quem cecinisse Duces.  
 Scripsit & annales, Genuense & in ordine bellum,  
 Et nova de priscis carmina temporibus.  
 Et decus hic patria, Ferreta hic gloria gentis,  
 Hic locat æternum nomen & ossa lapis.*

## AD STEPHANI.

V. F.

Q. Julius Q. F. mem. Catullus, III. vir, missus honesta missione coh. VI. pr. sibi & Calvæ Severæ uxori sanctissimæ. post obitum. & Pompeiæ Mansuetæ socri opt. & Hostiliæ Fortunæ conjugii cariss. H. M. H. N. S.

IBIDEM COLUMNÆ IN  
*via inscriptio.*

Questo è il luogo, doue era la casa del sceleratiss. Galeazzo da Roma: il qual con Iseppo Almerigo, & alteri

Q V

suoi complici, commisero atrociss. homicidii in questa città, dell'anno 1548. d.3. Pugio.

## ANTE ÆDES COMITIS

*Leonard. Valmarana.*

Maria Austria Augusta, Caroli v. Maximil. II. Rodolphi II. Imp. filia, uxor, mater, à Philippo fratre Hispan. Rege potentiss. ad regendum Lusitanorum quondam Regum imperium, nuper partum, è Germania adscita: per Italiam iter faciens, in his ædibus, quod ipsa, ob veterem Austriacorum Principum erga hanc domum clientelam, maximè voluit, cum Margarita, Maximilianoq; filiis archiducibus, à Leonardo Valmarana Comite, ejusdem Philippi Regis Pensionario, splendidissimo apparatu accepta fuit. Anno M. D. LXXXI. IV. Cal. Octobr.

## IN PALATIO MAJORI.

## ANTONIO BERNARDO

J. C. præstant. & patri opt. ob Rempub. domi forisq; feliciter administratam: urbe pontibus, carcere, foro, templis, exornata: Judæis & noxiis ejectis: civitate in pristinam dignitatem & ocium, studiis & sanctis moribus, restituta: monte pietatis fundato; grata Vicentia pos. M. CCCC. LXXXVI.

## Æ O L I A.

FRANCISCUS Tridentæus, Vicetinus J. C. Hieronymi Equitis F. gelidi venti flatum, in caverna, Cubalo nuncupata, spirantem in ædes proprias per hanc cryptoporicum deduxit: ad temperandum ardentem & æstivos calores: quem tum cohibendo, tum relaxando, novo atque mirabili artificio, per cubicula quæq; ducendo: pro libitu ea refrigerare & calfacere valet; ita ut custodia villa, eius ingenio, diligentia, impensa & æmulatione ornatiores effecta: inter regia oblectamenta cõnumerari queat. An. 1560. æt. verò suæ xxxii.

EPIGRAMMATA PORTARUM  
cubicularium & coenaculorum.

Mentem fortuna secundet.

Vires animo defunt.

Convivia parca, si frequentia.

A conventu malignantium libera me Domine.

Æolus hinc clauso ventorum carcere regnat.

Temporibus æstivis, ad magnitudinem calorum: sibi  
necessariis & amicis hoc remedium comparavit.

INSCRIPTIO ANTRI COBOLI: UNDE  
*venti æstate gelidissimi: hyeme calidi spirant.*

Ad locum istum ædificandum, longum illud tempus  
quo non ero, magis me movit; quàm exiguum vitæ meæ.

PICTURÆ CUJUSDAM ITA-  
LICÆ INSCRIPTIO.

**D**Evorat agricolam rex; regem tyro; sed illum  
Usurator edit: comedit sed presbyter isbun:  
Presbyterum meretrix: meretricem leno remordet:  
Lenonem caupo: sed cauponem parasitus:  
Istum sextipedes: simia sextipedes.



CREMONENSIA.

IN CREMONAM JUL. CÆS.  
SCALIGER.

**Q**uis modus esset agris, & quanta licentia frugum,  
*Verba peregrina Gallica voce notant.*

*Inde solum nati latum dixerunt Cremonam,*

*Quin Latio vox est delicioſa cremor.*

*Uſq; adeo longo reddit cum ſœnore tellus:*

*Præteritiq; hornus commoda ridet ager.*